

Individuum unica vice legi tribus flosculis præditum, glumis tribus exterioribus, tribusque interioribus, omnibus perfectis genitalibus.

Color seminis obscure pallidus, ad cinereum vergens, plantæ viridi-paleaceus, spathæ pallide paleaceus.

Floret Majo usque Julium, semen vero maturefcit autumnō, vix tamen dimittitur e spatha ante anni subsequēntis tempus æstivum. Mense enim Junii paucissimas vidi spathas, quæ semine orbata fuerunt.

Loc. Habitat per Hispaniam australem copiose. Legi ad *Licupozelos* in magna copia in convallibus declinatis declivibus & ad radices montium circum jacētium, vulgo *los ferros del Espartal & de las salinas*. Ad *Aranjuez* juxta agros ad viam eundo ad *Yepes*. Solo semper argilloso, depresso, tempore pluviarum subhumido. Clusius per Murciam nasci affirmat & ab aliis in Africa quoque gigni fertur.

Ufus hujus idoneus ex foliis ad storeas, corbes, spartellas aliaque ejus naturæ utensilia conficienda. Sed hoc tempore & in hacce regione vilis habetur neque æstimatur, ob copiosissimam messem, quam habent, Sparti herbæ Plinii Clusii s. primi auctorum, materiam longe præstantiorem ad talia faciēda præbentis. Accusatur enim hoc nostrum Spartum secundum S. Alvardin, tenerioris strueturæ & brevioris, minoris tenacitatis, nec tantæ resistentiæ ac Spartum Plinii, vulgo *Esparto*; solum intellēxi incolas hujus foliis Pulvinos stramineos implere, ut culcitæ superiores vulgo in hac regione lanæ molliorem lectum reddant, cui usui promiscue inservit una alterave species.

Figuram dedi, cum nulla exacta, nec præter Clusii primam alia existat. Reliqui cum omnes auctores a prototypo Clusii suas mutuarunt, quæ figura licet bona, flosculos male pictos ostendit, ex quo occasio data fuit C. Bauhino, ut diceret Gramēn paniculatum, quod Tournefortius emendavit in spicatum, licet nec unum, nec alterum sit,

